

乾隆鄞縣志

第四冊

圖書在版編目（CIP）數據

乾隆鄞縣志 / (清) 錢維喬, (清) 錢大昕修纂. —
杭州: 浙江古籍出版社, 2015.11
ISBN 978-7-5540-0722-8

I. ①乾… II. ①錢… ②錢… III. ①區（城市）—
地方志—寧波市—清代 IV. ① K295.53

中國版本圖書館 CIP 數據核字 (2015) 第 291157 號

ISBN 978-7-5540-0722-8



9 787554 007228 >

乾隆《鄞縣志》

（清）錢維喬 錢大昕 修纂

整理 寧波市鄞州區地方志辦公室

出版發行

浙江古籍出版社

地址 杭州市體育場路三四七號

責任編輯 路偉

版次 二〇一五年十二月第一版第一次印刷

印刷 杭州名典古籍印務有限公司

印數 一三〇〇套

書號 ISBN 978-7-5540-0722-8

定價 貳仟圓

鄞縣志目錄

序

凡例

圖

卷首

天章

卷一

建置沿革

星野形勝

疆域風俗

卷二

城池

鄉里橋梁

街巷津渡

坊表郵站

市鎮

卷三

山川

卷四

水利

卷五

學校書院

公署

卷六

田賦戶口
鹽課

倉儲

兵制

海防

卷七

壇廟

卷八

職官

卷九

選舉上

卷十

選舉下

卷十一

名宦

卷十二

人物一

卷十三

人物二

卷十四

人物三

卷十五

人物四

卷十六

人物五

卷十七

人物六

卷十八

孝義 藝術 寓賢

卷十九

列女

卷二十

舊志賦流

仙釋

卷二十一

藝文上

卷二十二

藝文下

卷二十三

金石

卷二十四

古蹟
冢墓

卷二十五

寺觀

卷二十六

雜識上

紀事
文獻

祥異

卷二十七

雜識下

叢談

卷二十八

物產

卷二十九

土風

卷三十

辨證

舊志源流

鄞縣志卷十三

人物

宋

樓鑰字大防隆興元年試南宮策偶犯舊諱知貢舉洪遵
奏得旨以冠末等投贄謝諸公考官胡銓稱之曰此翰林
才也爲敕令所刪定官修淳熙法議者欲降太學釋奠爲
中祀鑰曰乘輿臨幸於先聖則拜武成則肅揖其禮異矣
可鈞敵乎歷宗正寺丞出知溫州屬縣樂清倡言方臘之
變且復起邑令捕數人歸於郡鑰曰罪之則無可坐縱之
則惑民編隸其爲首者而驅其從出境民言遂定光宗嗣
位召對奏曰今之網密甚矣望陛下軫念元元以設禁爲



不得已凡有勅意增益者寢而勿行所以保養元氣擢起居郎兼中書舍人代言坦明得制誥體繳奏無所回避禁中或私請帝曰樓舍人朕亦憚之不如且已刑部言天下獄案多所奏裁中書之務不清宜痛省之鑰曰三宥制刑古有明訓力論不可會慶節上壽扈從班集乘輿不出已而玉牒聖政會要書成將進重華又屢更日鑰言臣見嘉王日趨朝謁恪勤不懈竊料壽皇望陛下之來亦猶此也又奏聖政之書全載壽皇一朝之事玉牒會要足成淳熙末年之書幸速定其日無復再展以全聖孝於是上感悟進書成禮試中書舍人俄兼直學士院光宗內禪誥書鑰所草也有云雖喪紀自行於宮中而禮文難示於天下薦

紳傳誦之遷給事中乞正太祖東嚮之位別立僖祖廟以
代夾室順祖翼祖宣祖之主皆藏其中祫祭卽廟而饗從
之朱熹以忤韓侂冑除職與郡鑰言熹鴻儒碩學陛下閔
其耆老當此隆寒立講不便何如俾之內祠仍令修史少
俟春和復還講筵不報趙汝愚謂人曰樓公當今人物也
直恐臨事少剛決耳及見其持論堅正嘆曰吾於是大過
所望矣彭龜年攻侂冑除郡鑰奏乞畱龜年於講筵龜年
竟去鑰遷爲吏部尙書尋知婺州移寧國府告老至再許
之侂冑以鑰不附已深嫌之侂冑誅起爲翰林學士時年
過七十精敏絕人詞頭下立進草院吏驚詫入朝陞循舊
班諦視鑰曰久不見此官矣時和好未定金求韓侂冑函

首鑰言姦兇已斃之首又何足惜詔從之趙汝愚之子崇
憲奏雪父寃鑰乞丐趙師召之罪重蔡璉之誅毀龔頤正
續稽古錄以白誣謗除端明殿學士簽書樞密院事升同
知進參知政事位兩府者五年累疏求去除資政殿大學
士提舉萬壽觀嘉定六年薨年七十七贈少師諡宣獻鑰
文辭精博自號玫瑰主人宋史本傳子淳字質夫官至屯田郎
中文行皆能世其家寶慶志孫扶字叔茂知泰州及邵武軍
能詩延祐志

案周密絕妙好詞延祐志皆作扶字孜孜玫瑰諸孫
名皆從木旁餘姚縣有扶所撰圓通殿記石刻作
扶今改正

袁燮字無叔生而端粹專靜乳媪置槃水其前玩視終日
夜卧常醒然少長讀東都黨錮傳慨然以名節自期入太
學登進士第調江陰尉浙西大饑常平使羅點屬任振恤
燮命每保畫一圖田疇山水道路悉載之而以居民分布
其間凡名數治業悉書之合保爲都合都爲鄉合鄉爲縣
征發爭訟追胥披圖可立決以此爲荒政首寧宗卽位以
太學正召時朱熹諸儒相次去國燮亦以論去自是黨禁
興矣嘉定初召王宗正簿遷司封郎官因對言陛下卽位
之初委任賢相正士鱗集而竊威權者從旁睨之彭龜年
顯言其姦以罪而去權臣遂根據幾危社稷陛下追思龜
年之忠蓋嘗臨朝太息矣今正人端士不乏願陛下常存

此心急聞剴切崇獎朴直一龜年雖沒衆龜年繼進天下
何憂不治臣昨勸陛下勤於好問而聖訓有曰問則明臣
退與朝士言之莫不稱善而側聽十旬陛下之端拱淵默
猶昔也夫旣知如是而明則當知反是而闇明則輝光旁
燭無所不通闇則是非得失懵然不辨矣累遷國子祭酒
秘書監延見諸生必廸以反躬切己忠信篤實聞者悚然
有得兼崇政殿說書除禮部侍郎兼侍讀時史彌遠主和
變爭益力臺論劾燮罷之以寶文閣待制提舉鴻慶宮起
知溫州進直學士奉祠以卒燮初入太學陸九齡爲學錄
同里沈煥楊簡舒璘亦皆在學以道義相切磨後見九齡
之弟九淵發明本心之指乃師事焉每言人心與天地一

本精思以得之兢業以守之則與天地相似學者稱之曰

絜齋先生後諡正獻子甫自有傳

宋史本傳

沈煥字叔晦自定海徙鄞始入太學與臨川陸九齡爲友
一日盡舍所學以師禮事焉務本趨實不自矜衒乾道五
年舉進士授餘姚尉揚州教授召爲太學錄以所躬行者
淑諸人蚤暮延見學者孜孜誨誘會充殿試考官唱名日
序立庭下帝偉其儀觀遣內侍問姓名衆滋忌之或勸其
姑營職道未可行也煥曰道與職有二乎適私試發策引
孟子立乎人之本朝而道不行耻也言路以爲訕已請黜
之在職才八旬而去後充幹辦浙東安撫司公事高宗山
陵百司供給不暇煥亟言於安撫使鄭汝諧曰國有大戚

而臣子安樂自如安乎汝諧屬煥條奏移書御史請明示
喪紀本意使貴近哀戚之心重則芟舍非食自安不煩彈
劾而需索絕矣於是支費頓減改知婺源以薦通判舒州
閒居雖病猶不廢讀書拳拳然以母老爲念善類凋零爲
憂卒丞相周必大聞之曰追思立朝不能推賢揚善予愧
叔晦益者三友叔晦不予愧也煥人品高明而其中未安
不苟自恕常曰晝觀諸妻子夜卜諸夢寐兩者無愧始可
以言學追贈直華文閣特謚端憲宋史參
延祐志煥六父子霖貢
辟雍調博羅王無仕進意號逍遙翁父銖以明經爲鄉
里師嘗問道於焦公路義方之訓尤嚴少子炳師陸九淵
務窮性理趙汝愚以遺逸舉之史浩使子弟師之固窮終

其身

寶慶志

王茂剛居林村刻意讀書足迹未嘗妄出尤邃於周易沈
煥通判州事嘗訪之其見趣絕出於傳注之外氣象嚴重
窺其所得蓋進而未已也

延祐志

趙善待字時舉濮安懿王五世孫擢隆興元年進士第知
陰縣兼市舶務未嘗私買一物高麗之至者初止一艘

明年六七焉曰吾聞長官清正所以來遷通判吉州遂知
岳州陞辭曰言江西旱傷秋苗減放矣督隨苗錢如故無
所從出必斂於民禁之便孝宗曰卿言是也無母安得子
乎又言新制宗子取解減舊額十之七非祖宗勸誘之意
請視太學國子監取士法而稍優之孝宗嘉納以征稅事